



佛說七知經

吳月支國居士支謙譯

聞如是佛遊於舍衛祇樹給孤獨園  
 佛告諸比丘比丘受教從佛而聽佛  
 告諸比丘有七法道弟子現世安隱  
 和悅多行精進法觀今習得盡何謂  
 七法一知法二知義三知時四知節  
 五自知六知衆七知人諸比丘何謂  
 知法謂能解十二部經一曰文二曰  
 歌三曰說四曰頌五曰譬喻六曰本  
 起紀七曰事解八曰生傳九曰廣博  
 十曰自然十一曰行十二曰章句是  
 為知法不解十二部經為不知法何  
 謂知義彼彼所說經法志曉其義是  
 為知義彼彼所說不曉不解為不知  
 義何謂知時知是時可惟寂滅想是  
 時不惟受想行是時可惟慎護想是  
 為知時不曉時宜所行為不知時何  
 謂知節能少飲食大小便得消化能  
 節出入坐起行步卧覺語默事從約  
 省是為知節不自約省為不知節何  
 謂自知自知已身意老多少所信所

七知經 第二張

戒所聞所施慧所解所至所入深淺  
 厚薄事事自知是為自知不知已意  
 所入多少為不自知何謂知衆能知  
 彼衆若君子衆若理家衆若梵志  
 若沙門衆若或有時至彼衆宜坐宜  
 立宜語宜默知隨時宜是為知衆不  
 知相彼衆隨時宜者為不知衆何謂  
 知人如有兩人一人信道一人不信道  
 信道者可稱譽不信者無稱譽信道  
 有兩輩一人數詣道場樂沙門一人  
 不數詣道場智略沙門數詣者有稱  
 譽不數詣者無稱譽數詣道場有  
 兩輩一人愛敬沙門一人不愛敬沙  
 門愛敬者有稱譽不愛敬者無稱譽  
 愛敬有兩輩一人親習沙門一人不  
 親習沙門親習者可稱譽不親習者  
 無稱譽親習有兩輩一人好問經法  
 一人不好問經法好問者可稱譽不  
 好問者無稱譽好問有兩輩一人側  
 耳聽一人不側耳聽側耳聽者可稱  
 譽不側耳聽者無稱譽側耳聽有兩  
 輩一人聞法受持一人聞法不受持  
 聞法受持者可稱譽不受持者無稱

七知經  
 譽受持有兩輩一人聞而思義一人聞不思義聞而思義者可稱譽聞而不思義者無稱譽聞法思義有兩輩一人如經義解受法如法立一人不如經義解不受法不如法立如經義解者可稱譽不如經義解者無稱譽如經義解有兩輩一人但自安已不安他人不多安人不復世間不利天下一人自能安已亦安他人多安天下懲傷世間利寧天人諸比丘當別知其自安已能安他人多安天下懲傷世間利寧天下者是人為家上家長家尊極尊辭如牛乳成酪為酥為醍醐醍醐家上如是人者為人中之人乃為上行尊行極尊之行為家勝為上願無上也諸比丘能見兩人為智為高能分別此人善此人勝是為知人佛說是已皆歡喜受

佛說七知經

佛說七知經

校勘記

- 一 底本，金藏廣勝寺本。
- 一 一頁中二行譯者，**頤**、**頤**、**南**、**南**、**徑**、**清**作「吳月支三藏法師支謙譯」。
- 一 一頁中一行「生傳」，**頤**、**徑**作「生傳」。
- 一 一頁中一七行「想行」，諸本（不含**石**，下同）作「行想」。
- 一 一頁中一九行「便得」，諸本作「便得」。
- 一 一頁下一行第六字「慧」，諸本作「所慧」。
- 一 一頁下四行「梵志」，**徑**、**清**作「梵志衆」。
- 一 一頁下一一行、一四行「有稱」，諸本作「可稱」。
- 一 一頁下二一行第一二字「聽」，**頤**、**普**、**南**、**南**、**徑**無。
- 一 二頁上一三行「成酪為酥」，諸本作「成酪酪為酥酥」。